

Održana radionica “Podrška subjektima IPP-a kroz primjere iz prakse”

15.06.2026 14:23



U prostorijama Federalne uprave za geodetske i imovinsko-pravne poslove u Sarajevu 15. juna 2026. godine održana je radionica “Podrška subjektima IPP-a kroz primjere iz prakse” organizovana uz podršku projekta GeoConnect, donatorskog projekta Kraljevine Nizozemske. Radionica predstavlja nastavak aktivnosti usmjerenih na unapređenje primjene Infrastrukture prostornih podataka Federacije Bosne i Hercegovine (IPP FBiH) te jačanje saradnje između subjekata koji koriste prostorne podatke u svom svakodnevnom radu.

Radionica je okupila predstavnike sedam institucija iz oblasti prostornog planiranja, s ciljem razmjene


iskustava i sagledavanja mogućnosti efikasnije primjene prostornih podataka u procesima planiranja, upravljanja prostorom i donošenja odluka.

U okviru stručnog dijela programa, Adna Demirović iz Zavoda za planiranje razvoja Kantona Sarajevo i Vanja Bošnjak iz Federalnog ministarstva prostornog uređenja predstavile su institucije iz kojih dolaze, kao i njihovu ulogu u IPP FBiH. Također su prezentovale aplikacije i ciljeve koje institucije razvijaju i primjenjuju, te njihovu povezanost sa IPP FBiH. Tom prilikom govorile su o značaju prostornih podataka u procesima prostornog planiranja i uređenja, naglašavajući potrebu za dostupnim, pouzdanim i interoperabilnim podacima kao osnovom za kvalitetno upravljanje prostorom.

Poseban doprinos radionici dali su međunarodni stručnjaci koji su predstavili primjere dobre prakse iz evropskih zemalja. Luc Janssens održao je prezentaciju o iskustvima Belgije u oblasti prostornog uređenja, prikazujući konkretne načine na koje prostorni podaci i digitalne usluge doprinose efikasnijem planiranju i upravljanju prostorom. Iskustva iz Nizozemske predstavili su prof. dr. Joep Crompvoets i Jaap-Willem Sjoukema, koji su kroz praktične primjere ukazali na značaj interoperabilnosti podataka, standardiziranih usluga i međuinstitucionalne saradnje u razvoju infrastrukture prostornih podataka.

Poseban fokus radionice bio je na razmjeni iskustava među učesnicima i identifikaciji konkretnih primjera primjene prostornih podataka u radu institucija iz sektora prostornog uređenja i planiranja. Kroz grupni rad i plenarnu diskusiju razmatrane su mogućnosti daljnjeg unapređenja korištenja IPP FBiH, kao i razvoj novih usluga koje mogu doprinijeti efikasnijem radu institucija i kvalitetnijem upravljanju prostorom.

Zaključeno je da su institucije iz oblasti prostornog uređenja i prostornog planiranja među najznačajnijim korisnicima prostornih podataka te da njihovo aktivno učestvovanje u razvoju i korištenju IPP FBiH predstavlja važan predušlov za uspješno planiranje prostora i održivi razvoj. Radionica je još jednom potvrdila značaj kontinuirane saradnje, razmjene znanja i primjene međunarodnih iskustava u daljnjem razvoju infrastrukture prostornih podataka u Federaciji Bosne i Hercegovine.



```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```